

影印
文淵閣

四庫全書

影印

文淵閣四庫全書

第九三七冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

羣書考索(二)
後集

宋 章如愚撰……………一

欽定四庫全書

子部
羣書考索後集卷二

詳校官中書臣實汝翼

主事臣祁韻士覆勘

總校官知縣臣楊懋珩

校對官中書臣徐步雲

謄錄監生臣陳元熙

欽定四庫全書

羣書考索後集卷一

宋 章如愚 編

官制門

官數類

唐官六十通典云唐官數關尚書云建官惟百鄭玄云

虞官六十唐官未聞堯舜同道或皆六十并屬官而言則皆有百

欽定四庫全書

羣書考索後集

虞官六十明堂位曰有虞氏官五十鄭云六十

夏官一百二十明堂位曰夏官百尚書云夏商官倍則當二百矣而鄭云百二十

商官二百四十明堂位曰商官二百鄭云二百四十合依鄭說

周内外官六萬三千六百七十五人内二千六百四十
三人外諸侯國官六萬一千零三十二人

秦制爵二十等以賞功勞

漢吏員自佐吏至丞相凡十三萬二百八十五人 哀帝時官數兼諸侯州郡胥吏

後漢内外文武官七千五百六十七人 內一千零五十

五人外六千五百一十二人 都計内外官及職掌人十

五萬二千九百八十六人

魏官置九品其數未詳

晉因魏内外文武官六千八百三十六人 內八百九十

四人外五千九百四十二人 都計内外官及職掌人一

欽定四庫全書

晉書考索後集

二

十一萬八千六百七十二人

宋因晉内外文武官六千一百七十二人 內八百二十

三人外五千三百四十九人 內職掌人門亭長孝經師

月令律令師及書佐等一千四百六十一人都計内外

官及職掌人七千六百三十三人

齊内外文武官二千有六十三人 內九百四十七人外

一千一百一十六人州刺史及官屬并太守內史州縣

令相寧蠻夷校尉中郎將護軍等

梁官品秩祿之差亦如前代更定十八班不登二品者又為七班又置諸軍之號二十四班内外官數未詳

陳官品祿秩班次多因梁制而又置相國位列丞相上

并及丞相太宰太傅太保大司馬大將軍並以為贈官

定令尚書置五員郎二十一員其餘並遵梁制為十八

班官數未詳

後魏内外文武官七千七百六十四人 內二千三百七

十一人外五千三百九十三人州刺史郡太守縣令長

欽定四庫全書

晉書考索後集

三

等 內文學學生三千人都計内外官一萬零七百六十

四人其京城諸司令史及諸色職掌人及外州郡縣屬

官并諸色職掌人等並未詳命數亦未詳 魏氏之初

法制簡畧設官分職多因事宜罕依故實誠非經遠即

列九品每品又分為上中下三等至孝文帝太和十八

年定令方有倫序又按前代職次皆無從品魏氏始有

之自四品以下正從又分為上下階亦一代之別制也

北齊內品二千二百二十二人 國子太學四門等學生

并尚書都令史門下通事主事等令史五百九十六人

都計文武官及學生令史等總二千九百一十八人

後周改為九命六卿屬官之外內外衆職亦多參秦漢

按所建六官并徒屬及府史雜色職掌人二萬一千零

七十三人二千九百八十九人諸色官萬八千八十四

人府史學生笑生書生醫生倅長虎賁驍騎羽林游擊

奉車馭夫武理武候卜筮占夢視祿相生等人也

隋開皇中有正從九品上下階至煬帝除上下階唯留

欽定四庫全書

羣書考索後集

四

正從九品其餘官品亦多升降萬二千五百七十六人

內官二千五百八十一員外官郡縣九千九百九十五

員又內職掌醫師卜師巫覡掌醢獸醫博士京市長麴

倉督并太學學生刻漏千牛門尉門候之事令史及外

職掌郡縣佐史族正里正等總十八萬三千三百六十

一人內千六百六十四人外十八萬一千六百九十七

人都計內外文武官及胥總十九萬五千九百三十七

人

唐開元二十五年制定流內太師而下流外諸衛而下

之別有正從九品上下階內文武官員凡萬八千八

百五人文官萬四千七百七十四人武官四千二十一

人內官二千六百二十外官州縣折衝府鎮戍闕廟岳

瀆等萬六千二百八十五人內職掌齋郎府史亭長主

仗典食監門直長親事帳內等外職掌州縣倉督錄事

里正及岳廟齋郎并折衝府旅師隊正隊副等總三十

四萬九千八百六十三內三萬五千一百七十七外三

欽定四庫全書

羣書考索後集

五

十一萬四千六百八十六都計文武官及諸色胥史等

總三十六萬八千六百六十八人制為九品各有從自

四品以下亦分為下階大抵多因隋制

官品類

周官九命漢自中二千石至百石凡十六等成帝除八

百石五百石秩二等後漢自中二千石至斗石凡十三

等魏秩次多因漢制更置九品晉宋齊並因之梁因之

更置十八班班多為貴陳並因之後魏置九品品各置

從自四品以下每品分為上下凡三十階北齊並因之
後周制九命每命分為二以正為上凡十八命隋朝置
九品品各有從自四品以下每品分為上下凡三十階
自太師始焉謂之流內流內自此始焉煬帝除上下階
唯留正從各九品又置視正二品至九品品各有從自
行臺尚書令始焉謂之視流內自此始焉

大唐自流內以上並因隋制又置視正五品視從七品
以署薩寶及祔正祔呼烟反謂之視流內又置勳品九品

欽定四庫全書

羣書考索後集

六

自諸衛錄事及五省令史始焉謂之流外流外自此始
其勳品自齊梁即有之三品以上紫衣金魚袋五品以
上緋衣銀魚袋皆執象笏七品以上綠衣九品以上青
衣皆木笏光宅元年青衣為碧武后時改五品以上銀
魚袋中宗反正從舊初武后天冊中制文武官加階應
入五品者並須入仕歷十六考以上無私犯進階之時
見居六品官及七品官以上清官者其應入三品者取
入仕三十三考以上並無私犯進階之時凡居四品官

者自外蹤計階者應入仕並不在進階限如有奇才異
行別效殊功不拘此列

官制總序

伏羲氏以龍紀故為龍師名官

共工氏以水紀故為水師水名

神農氏以火紀故為火師火名

黃帝氏以雲紀故為雲師雲名又晉志曰黃帝置三公之秩以親黎元

欽定四庫全書

羣書考索後集

七

少昊氏立鳳鳥適至故以鳥紀鳥師鳥名

顓帝不能紀遠乃紀於近為民師而命以民事又有五

行之官

唐堯有義和之官叔仲周禮正義以為即四岳內有百

揆四岳四岳分主四方諸侯外有州牧侯伯

虞舜有天下伯禹作司空宅百揆棄社稷播百穀契為
司徒敷五教皋陶作士正五刑垂作共工利器用伯益
作虞育草木鳥獸伯夷秩宗典三禮夔典樂教胄子和

神人龍作納言出納帝命蓋亦為六官以主天地四時也

夏后之制亦置六卿甘誓云召六卿是也其官名次猶

承虞制禮記曰夏后氏官百天子有三公九卿二十七

大夫八十一元士

商制天子建天官先六太

曰太宰太宗太史太祝太士

太卜典司六典五官

曰司徒司馬司空司士司寇典司

五衆六府

曰司土司木司水司草司器司貨

典司六職

欽定四庫全書

羣書考索後集

八

六工 曰土工金工石工木工獸工草工

典制六材五官

致貢曰享五官之長曰伯千里之內為王畿千里之外

設方伯五國以為屬屬有長十國以為連連有帥三十

國以為卒卒有正二百一十國以為州州有伯八州八

伯五十六正百六十八帥三百三十六長八伯屬於天

子之老二人分天下以為左右曰二伯

老謂上公並通

典伊尹曰三公調陰陽九卿道寒暑大夫知人事列士

去其私成湯居亳初置二相以伊尹仲虺為之 晉志書

曰唐虞稽古建官惟百

後魏志云唐虞六十夏商倍之

周過三百是為大備

夏商官倍亦克用又

周武列爵惟五分土惟三建官惟賢位事惟能成王董

正治官三百六十立太師太傅太保茲惟三公論道經

邦燮理陰陽官不必備惟其人少師少傅少保曰三孤貳

公弘化寅亮天地弼予一人冢宰掌邦治統百官均四

海司徒掌邦教敷五典擾兆民宗伯掌邦禮治神人和

上下司馬掌邦政統六師平邦國司空掌邦禁詰奸慝

欽定四庫全書

羣書考索後集

九

刑暴亂司空掌邦土居四民時地利六卿分職各率其

屬以倡九牧阜成兆民

周禮天地四時之官謂之六卿

天官冢宰掌邦治地官司徒掌邦教春官宗伯掌邦禮

夏官司馬掌邦政秋官司寇掌邦刑冬官司空掌邦事

其屬三百六十者周天之數也蓋古人設官皆天之所

為非人之所設詎可以私情參哉然攷之周禮六官六

屬往往非止三百六十蓋其中有兼官也且卿老二卿

則公一人是三公兼卿老也一卿則卿一人是六卿兼

鄉大夫也軍將皆命卿是六卿又兼六軍之將也甚者
太公以太師兼司盟之職載在盟府太師職之是也以
三公而兼太史之職太史司冠蘇公是也吾夫子責管
仲所以言官事不攝而罪其變先王之法也三公三孤
周禮之職不詳此周官所謂官不備而其職亦非羣有
司所可並論也周衰諸侯去班爵之籍人用私意僭偏
不常晉以軍行具六卿楚僭公號莊三十年

秦不師古設爵級以勸武功厥後罷侯置守太尉主五

欽定四庫全書

羣書考索後集

十

兵丞相總百揆又置御史大夫以貳於相先王舊典靡
有子遺

漢承秦弊所當更新高帝無復古之志叔孫通苟趨時之
便大抵多仍秦舊蓋堅記漢置官本末周之遺制曾不
多見而以秦官書者蓋總總也賈誼請更官名見沮絳
灌孝武頗有增益太初以後浸以奢廣矣曰丞相漢
初或問軍功而加丞相者樊噲酈商或改丞相之名而
俾之征伐者韓信漢制常以列侯為相自公孫弘以

布衣數年登相位而後封平津侯漢制丞相進見御
位即起在輿為下至公孫弘武帝始不冠見矣漢制

選用人才皆由丞相高帝舉賢詔令詣國相白署行義
年武帝初衛綰奏罷賢良中韓蘇張或有薦人起家至
二千石自武帝重儒官朝夕在側薦進人物而選用之
權不在宰相嚴助薦朱買臣揚得意薦司馬相如漢
制三公號無所不統周家冢宰之屬分入於九卿官伯
則分入郎中令宮正則分入衛尉膳人酒人則分入少

欽定四庫全書

羣書考索後集

十一

府司會人府則入司農官人內宰則入太長秋雖號統
攝而不得專領其後九卿更進用事而丞相克位給事
謁者為左右私人而丞相為外朝之官受遺歸霍光而
朝事歸大將軍初置一相孝惠高后置左右相文帝復
一相哀帝更名大司徒曰太尉文景或置或罷元狩中
始置大司馬以冠大將軍之號蓋借古官名以為寵非
有夏官之實故大司馬太尉不並置太尉雖掌武而兵
不在焉高后時呂祿呂產實掌南北軍呂祿未解將軍

印雖太尉不得入北軍然當時非太尉則事不濟蓋職尤能盡護諸將也武帝置大司馬以冠將軍所以寵衛霍初未嘗及於政事至末年用霍光始兼領尚書事宣帝之後加於外戚而漢禍慘矣雖然漢武帝用大司馬領尚書而丞相固已無權矣然猶建空名於百官之上霍光召議必以丞相為首元平之奏必先言丞相敞而後至於大將軍光及哀帝用董賢為大司馬而司馬遂居司徒之上朱博傳曰武帝初年置大司馬冠大將軍司徒之上

欽定四庫全書

有書考索後集

三

軍非有印綬官屬至成帝初年賜大司馬金印紫綬乃置官屬

曰御史大夫成帝更名大司空哀帝復為御史大夫後又更為大司空御史之名周官以中士下士為之特小

臣之傳命令者耳至於戰國其職益親故獻書多言獻書於大王御史而電池之會各命御史書事秦任刀筆又自親事以操制臣下侍御僕從其勢益重遂與宰相分權而居三公之位漢興獨不可正名乎安有三公而

專治書史者乎然漢初御史實副宰相高后欲封諸呂問右丞相陵左丞相平太尉勃而不及趙堯文帝錢穀之間止及右丞相勃左丞相平而不及張蒼是以經歷三世事權盡在宰相國體增重而御史大夫不敢萌出位之思及景帝摧抑中屠嘉而罷錯以刻深用事故事多決於錯謀削七國錯實主之丞相不與也調發兵食錯實任之丞相不聞也馬闡之禁景紀獨書御史綰而不及丞相陶青劉舍之徒齟齬無所建明其有以也漢

欽定四庫全書

有書考索後集

三

儀御史大夫見孝廉上計丞長史皆於官司馬門外又宣帝詔御史察計簿然則受上計者御史職也秩中二千石自成帝用何武建三公之言而後大司馬大司空皆封列侯俸如丞相通典曰自此三公俱為宰相矣九卿之職曰奉常景德初更名太常主郊廟禮樂之事博士亦其屬公孫弘對策太常奏居末第掌樂之官而兼教育之任誠以樂者廣大樂易其感人也易以入故也曰光祿勳武帝太初中更郎中令為光祿勳漢初

郎中令掌郎衛諸官如諫大夫議郎中郎皆得以議論拾遺左右而謁者僕射又得以執戟侍衛最為親近矣謁者中郎將之得却慎夫人座皆其親近之至也及武帝游後庭用中人為謁者尚書而諸郎不帶加官不得入內而後郎中令之官稍疎人主罕與正人接而中人日親頗用權矣

曰衛尉 景德初更名中大夫今後復為衛尉掌宮中微處事其職兵衛者乎

曰太僕 掌典

馬

曰廷尉 景帝中六年更名大理武帝建元復為廷

欽定四庫全書

羣書考索後集

高

尉袁帝復為大理掌平獄奏當所應凡郡縣獄疑罪皆處當以報武帝以下置中都官獄郡十六所凡意所欲附致者皆不下廷尉以史考之昭平君繫獄內官灌夫繫獄居室復劾繫都司空李陵言老父繫保宮劉輔繫掖廷王商繫若盧詔獄張湯治他因導官典客有司大獄水衡有上林獄中尉有寺互都船獄至若北軍別有主上章者獄蠶室腐刑獄暴室宮人獄又皇孫生邸即獄辛慶忌徒共工獄其所可見大畧如此

曰大鴻臚

景帝中六年更名大行令武帝太初元年更名大鴻臚郎秦典客職也掌諸侯歸義蠻夷等國

曰宗正 掌親

屬平帝更名宗伯

曰大司農 景帝更名大農令武帝

太初元年更名大司農即秦治粟內史也掌穀貨自太

倉至籍田令丞屬焉

曰少府 掌山海池澤之稅以給

共養漢氏之制天下公用仰大司農而乘輿供養悉出

少府不以民力共浮費別公私示正路也然至於公用

缺之往往資之少府故賈捐之命用兵之費曰大司農

欽定四庫全書

羣書考索後集

主

錢盡乃以少府禁錢續之是也其屬有尚書令丞中書謁者令丞黃門令丞尚書中書黃門此後世之所謂三省者皆出於少府之屬初秦置尚書於禁中有令丞通章奏而已漢武已後其任甚重及光武親攬吏職天下事皆上尚書與人主參決乃下三府尚書令遂為端揆之官矣晉百官志曰武帝游宴後庭始用宦者主中書元帝以弘恭為令石顯為僕射秉權用事而蕭望之以為中書政本宜以賢明之選更置士人黃門奏官也掌

侍從左右三者皆親近人主故卒為三省 少府掌刑

威而猶屬丞相御史此其制之善也自光武以山海鹽

鐵歸郡縣官中私用付之外有司章帝以後始別立監

以奄人領之大臣不得預矣皆中二千石 其外有中

尉掌徵循京師武帝太初元年更名執金吾 秩雖中二

千石後漢至九卿皆云卿一人至中尉獨不言卿則不

預九卿之列明矣漢世凡中二千石多稱卿 王尊傳如

淳注曰三輔皆秩中二千石故亦稱卿

欽定四庫全書

羣書考索後集

卷一

上公則太傅

高后置後省哀帝復之至

平帝置太師位

太傅上太保次太傅

王陵忤旨孔江懼罪而師傳之重

迄漢世為右遷之地

有特進

漢制特進位三公下漢

儀特進后父兄為之或以處前宰相

有將軍

漢初將

兵稱將軍兵罷不置吕后以吕祿為上將軍居北軍非

漢制也文帝拜宋昌為衛將軍薄昭為車騎將軍始有

定職武帝拜衛青大將軍而大將軍始有定職其後霍

去病為驃騎將軍上官桀為左將軍昭帝用馮奉世為

右將軍始有驃騎左右之職趙充國為後將軍韓增為

前將軍始有前後將軍之職其他將軍因出征伐名號

不一事已或置或否獨大將軍驃騎衛將軍左右前後

將軍終漢世不更置

太子則有太傅少傅詹事

庶子

洗馬舍人家令皆其屬也

皇后則有詹事

長信詹事

是也景帝更為長信少府復更為長樂少府

有將行

景帝更名大長秋或用中人或用士人應劭曰皇后卿

也後志曰掌宣中宮命

欽定四庫全書

羣書考索後集

卷一

列卿又有將作少府

掌治宮室景帝更名將作大匠

典屬國

掌蠻夷降者

水衡都尉

武帝置掌上林苑應劭曰水衡少府皆天子

秘藏元帝時水衡錢三十五萬是也

大抵漢世公有

三等太師太傅太保為上公丞相太尉御史大夫為三

公

漢制三公號萬石 大將軍驃騎車騎將軍為比公

卿有三等前後左右將軍為上卿太常至少府凡九稱

正卿執金吾太子太傅將作少府詹事大長秋水衡都尉

三輔為陪鄉三輔則京兆左馮翊右扶風舊內史也掌

治京師景帝分置左右內史武帝更名京兆尹左內史

則更為左馮翊若夫右扶風之職則主爵中尉也景帝

更名都尉武帝初年更為右扶風治內史右地與左馮

翊京兆為三輔周之六卿六卿分治秦以內史治畿內

漢初因之雖失六卿分治之意然內史猶廷臣也至分

三輔其去大郡無幾判然與朝廷二體矣

尉有護軍都尉陳平為護軍中尉武帝時屬大司馬司

欽定四庫全書

羣書考索後集

六

隸校尉周官司隸屬秋官武帝征和四年初置持節從

中都官捕巫蠱督大姦猾察三輔三河弘農元帝去節

武帝省絃和二年哀帝復置但為司隸城門校尉環濟

要畧云漢高帝初置城門校尉從緹騎一百二十人八

校尉中壘屯騎步兵越騎長水胡騎射聲虎賁八校尉

皆武帝初置漢表之言也刑法志則曰內增七校晉灼

曰胡騎不常置故曰七故耳西域戍已烏桓護羌亦有

校尉奉車都尉掌御乘輿駙馬都尉騎都尉此通典

所謂三都尉皆武帝增置非漢定制也

加官則有侍中左右曹諸吏散騎中常侍所加或列侯

將軍卿大夫將都尉尚書太醫太官令至郎中亡負多

至數十人給事中亦加官所加或諫大夫博士議郎掌

顧問應對位次中常侍中黃門則有給事黃門通典以

加官為漢制百官表加官一章其末總云皆秦制則出

於秦無疑也但漢因秦制而廣之官名或有損益耳世

儒又疑其始於武帝非也特加官用事自武帝始耳以

欽定四庫全書

羣書考索後集

十九

史考之張辟疆惠帝時為侍中賈山至言曰今陛下舉

方正之士使為常侍諸吏則加官漢初固有也特是時

事權在公卿加官未居中用事至武帝時而加官之權

始重耳漢世九卿皆可領加官獨二府不得然魏相

以御史大夫兼給事中以為分霍光權設非定制也或

者以奉車都尉駙馬都尉亦為加官非也荀氏漢紀杜

佑通典並不列於加官即此可考此列職於內之大畧

也

外封諸侯漢郡八九十形錯其間郡置守景帝更名太

守有丞有長史司馬又有郡尉將兵大郡或兩尉景帝

更名為郡尉縣置令長又有三老掌教化新城三老建

鵠素之議臺闕三老上書言戾太子之事三老乘輿上

言明王尊之罪國家之大事朝廷之得失三老皆得言

之孝弟力田文帝十二年置三老孝弟力田常員有秩

其普夫游徼亭有長主捕盜賊里有正秦以御史分別

州漢省特丞相遣使耳武帝始置十三部刺史秩六百

欽定四庫全書卷一 曆書考索後集石外同隸一部則三河三輔弘農是也漢制守二千石

令千石至六百石今刺史才六百石耳其秩卑矣六條

問事一條豪右五條皆謂二千石不法秩卑則其人激

昂以自奮假之重權則得行其志此良法也成帝更為

牧秩二千石闕有都尉農有都尉屬國則有都尉皆武

帝始置此設官於外之大凡也其或因事遣使循行天

下也或遣光祿武大夫存問耆老或遣博士存問鰥寡

或遣丞相御史行掾天下或遣謁者賜三老帛或遣博

士錄冤獄振流民或遣中大夫持節救東甌或遣諫大

夫祀金馬碧雞此以輔臣而兼奉使者綉衣直指之使

雖武帝之所置然其官屬侍御史又哀帝時漢令反見

大夫無可使則召鹽屋令尹逢為諫大夫遣之或奉使

借官武帝遣移守監蘇武以中郎將持節使匈奴至昭

帝時武還漢紀書移中監蘇武使匈奴還拜大屬國然

則武以中郎使乃借官耳此則奉使借官之所從始也

漢制序遷之法丞相缺則御史大夫為之御史大夫

欽定四庫全書卷一 曆書考索後集缺則九卿為之九卿缺則郡守刺史為之武帝則不然

丞相石慶卒則御史大夫兒寬當遷而不遷也太僕公

孫賀乃得之丞相公孫弘卒御史大夫商丘成當遷而

不遷也太僕田千秋乃得之公孫宏相御史大夫缺九

卿當進者多矣而河東太守番繫得之石慶相御史大

夫缺九卿當遷者多矣而齊相卜式得之不特此也衛青

自侍中遷太中大夫自太中大夫遷車騎將軍自車騎

遷大將軍大將軍漢三公官也由侍中三遷而得之武

帝但欲權自己出故取卑賤而加之尊顯進不由階序
畧無所顧 漢制有故官皆守舊階不食全俸滿歲為
真不稱者還故官 韓延壽守左馮翊趙廣漢守京兆尹

翁歸守右扶風張敞守太原太守皆滿歲為真守官之
制莫知其由始按表武帝征和三年始有光祿大夫公
孫遵守少府此序舊階之證也意武帝始乎漢制官卑
職重者稱守是殆武帝驟官左右才智之士故用守以
處資淺之人耳然朝廷用新進而無老成此武帝之世

欽定四庫全書

羣書考索後集

三

所以益多事也

漢世官吏率多久任唯邊吏三歲一

更均勞逸

段會宗傳曰竟寧中為西域都護三歲更盡

還拜沛郡守後王嘉言孝文時居官或長子孫以官為
氏又朱博傳故事刺史居部九歲為守相夏侯嬰自高
祖時為太僕至文帝時猶以太僕清官汲黯居淮陽十
歲張敞居京兆九歲于定國為廷尉十八年

百官有

洗沐之制

石建傳載每五日洗沐歸謁親

有予告賜

告之法

病滿三月當免天子優賜其告曰賜告予告者

在官有三最法所當得者 以罪去者或曰免或歸家

或為庶人

漢制雖丞相罷免大者自殺小免爵邑其尤

輕者就第及列侯就國與奉朝請其後召用但為光祿
大夫或特進優游散秩未嘗除他官御史大夫則間為
九卿將軍至東漢崔烈免乃為城門校尉體貌之禮衰
矣

王國 傅相御史百官皆如朝廷國家惟為置丞相其御

史大夫以下皆自置之至景帝時吳楚七國恃其國大

欽定四庫全書

羣書考索後集

三

遂以作亂幾危漢室景帝懲之遂令諸王不得治民令
內史主治民政丞相曰相省御史大夫廷尉少府宗正
博士官改漢內史中尉郎中令之名而王國如故員職
皆朝廷除不得自置至漢成帝省內史治民更令相治
民矣

關內侯

關內侯無土寄食在所縣民租稅多少各有戶

數為限列侯則出關就國關內侯有號而無邑其加異
者往往與之關外之邑食其租稅自呂后時關內侯始

有食邑

光武中興務從節約并省官職固所以懲孝武奢廣之事三公之屬則省九卿之屬則又省朝廷之官則省郡國之官則又省而唯司隸校尉一官獨無所省尚書之員反增其二帝意固可想見矣抑不思漢初之制宰輔重於朝九卿率其屬名城封於宗都尉播於郡國其綱維固善而詐可以冗官視之蓋武帝之舊可變而高帝之法未可輕變也東都無丞相太尉御史大夫而大司

欽定四庫全書

羣書考索後集

卷一

徒大司馬大司空實因西漢之末制也建武中復去大改司馬為太尉官居司徒司空上王梁以識文用韓歆以直諫死責以吏事而政歸臺閣司徒鄧禹居外而尚書伏湛攝行之蓋光武之視三公也輕則其用之也易去之也不難在內則不過以吏事責之雖在外亦何所不可統體不正其後益舛錄尚書之官建而三公為虛名矣光武以吏事責三公猶預事自明帝有錄尚書之制而三公始不預事矣宋弘為司空欲舉侍中以法則

三公猶得勅近臣也桓帝時楊秉勅侯覽尚書乃詰其

越秦法則三公不得勅近臣矣選舉委三府尚書受奏

御則三府尤得以辟舉也靈帝時呂彊冒選舉但任尚

書則三公不預選事矣不特此也災異策免所以責之

者蓋竒自徐防始就外除拜而所以畀之者益輕自張

溫始前漢丞相屬有長史得舉勅有司直得舉不法光

武中興省司直之官所以奪三公之權也漢中興相罷

免無復為九卿者東漢王梁以識文用自野王令拜為

欽定四庫全書

羣書考索後集

卷一

大司空俄而違命光武將斬之赦以為中郎將是以終漢之世去三公而復為九卿者不可勝數體貌之禮為如何哉明帝用東平王蒼為車騎將軍而三公屈居將軍之下有矣

九卿之制因循西京而併省其屬者多矣太常則省

十官而太卜又并於太史博士隸於太常而僕射之號

非博士所當稱轉而名之曰祭酒善矣

光祿勳則省車戶騎三將而羽林令亦省焉光祿勳之